



Na osnovu člana 15. Stav (1) tačka b) Zakona o principima lokalne samouprave u Federaciji Bosne i Hercegovine ("Službene novine Federacije BiH" br. 49/06 i 51/09) i člana 50. Stav (1) tačka e) Statuta Općine Novo Sarajevo - prečišćeni tekst ("Službene novine Kantona Sarajevo" br. 5/20 i 20/20 - ispravka) i Pravilnika o korisnicima, kriterijima i načinu realizacije podsticaja zapošljavanju i razvoju privrede na teritoriji Općine Novo Sarajevo broj 06-11-3318/21 od 11.05.2021. godine ("Službene novine Kantona Sarajevo" broj 21/21), Općinski načelnik, o b j a v l j u j e

## JAVNI POZIV PRIVREDNIM DRUŠTVIMA DA SE PRIJAVE ZA UČEŠĆE U MJERI PODRŠKE ZA UVOĐENJE CERTIFIKATA

### I

U cilju realizacije Programa aktivne politike zapošljavanja i unapređenja poslovnog okruženja, Općina Novo Sarajevo (u daljem tekstu: Općina), poziva sva privredna društva sa sjedištem na teritoriji Općine Novo Sarajevo da se prijave za učešće u Mjeri podrške za uvođenje certifikata.

Cilj ove mjere je uvođenje sistema i standarda kvalitete, certificiranje proizvodnih procesa, usluga i proizvoda privrednih društava, čime se potiče konkurentnost subjekata male privrede na domaćem i inostranom tržištu.

### II

Općina će privrednim društvima, koja budu obuhvaćena ovom mjerom refundirati troškove za certificiranje proizvodnih procesa, proizvoda ili usluga u iznosu od 50% troškova, a maksimalno do 2.000,00 KM po okončanju procesa certifikacije, koji je realizovan kod akreditovanih agencija za certifikaciju prethodne ili tekuće kalendarske godine.

### III

Privredna društva koja žele učestvovati u Mjeri podrške certificiranju, dužni su podnijeti sljedeću dokumentaciju u originalu ili ovjerenoj fotokopiji:

1. aplikaciju u roku predviđenom u Javnom pozivu (*aplikacija se može preuzeti sa web stranice Općine Novo Sarajevo – [www.novosarajevo.ba](http://www.novosarajevo.ba) ili na Info pultu Općine Novo Sarajevo*)
2. uz aplikaciju trebaju priložiti:
  - rješenje o registraciji ili osnivanju kao dokaz da je sjedište firme u Općini Novo Sarajevo,
  - uvjerenje o poreskoj registraciji sa identifikacionim brojem,
  - uvjerenje o izmirenim obavezama po osnovu poreza i doprinosa ne starije od 30 dana od dana objave Javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine),
  - uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine),
  - ugovor, račun i certifikat akreditovane certifikacijske agencije,
  - dokaz da je agencija koja je realizovala uslugu certifikacije akreditovana.

### IV

Privredna društva koja redovno ne izmiruju obaveze uplate javnih prihoda ne mogu učestvovati u Mjeri podrške za uvođenje certifikata, osim u slučaju kad privredno društvo ima potpisan ugovor sa Poreznom upravom Federacije Bosne i Hercegovine i/ili Upravom za indirektno oporezivanje o uplati duga na rate u kom slučaju je privredno društvo dužno dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da privredno društvo vrši uplate po potpisanom ugovoru.

**V**

Mjera se provodi putem stalno otvorenog javnog poziva, sve do utroška sredstava za tekuću budžetsku godinu.

**VI**

Rezultati ovog javnog poziva biće objavljeni na oglasnoj ploči i web stranici Općine.

**VII**

Općina će sa privrednim društvima koja budu obuhvaćena Mjerom, zaključiti ugovore kojima će biti regulisana sva prava i obaveze ugovorenih strana, u skladu sa Pravilnikom.

**VIII**

Aplikacije sa potrebnom dokumentacijom i sa naznakom: „Za javni poziv - Mjera podrške za uvođenje certifikata“ podnose se direktno na protokol Općine Novo Sarajevo ili putem pošte na sljedeću adresu:

**Općina Novo Sarajevo  
Služba za upravljanje lokalnim razvojem  
Zmaja od Bosne broj 55  
71000 Sarajevo  
Bosna i Hercegovina**

Prispjela dokumentacija se ne vraća podnosiocu aplikacije.

Sve dodatne informacije vezane za Javni poziv mogu se dobiti svakim radnim danom putem telefona: 033/492-157.

Broj: 06-11-3810/21  
Sarajevo, 07.06.2021. godine

